

CONVENIO DE COLABORACIÓN ENTRE A CONSELLERÍA DE CULTURA, LINGUA E XUVENTUDE E A DEPUTACIÓN PROVINCIAL DE PONTEVEDRA, PARA O FINANCIAMENTO DO CONTRATO DE ARRENDAMENTO DUNHA NAVE PARA ALMACENAXE PROVISIONAL DE MOBILIARIO PROCEDENTE DO TEATRO CINE-FRAGA E GASTOS ASOCIADOS.

REUNIDOS

Dunha parte a Consellería de Cultura, Lingua e Xuventude, e no seu nome e representación D. José Carlos López Campos, na súa condición de conselleiro de Cultura, Lingua e Xuventude, en virtude do seu nomeamento mediante o Decreto 44/2024, do 14 de abril, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e a súa Presidencia.

Doutra parte a Deputación Provincial de Pontevedra, e no seu nome e representación D. Luís López Diéguez, Presidente da Deputación Provincial de Pontevedra, en virtude do nomeamento efectuado en sesión plenaria constitutiva de data 6 de xullo de 2023, e polas competencias que lle confire o artigo 34.1.b da Lei 7/1985, de 2 de abril, Reguladora das Bases de Réxime Local e artigos concordantes da Lei 8/1997, do 22 de xullo, das Administracións Locais de Galicia

Actúa dona María Beatriz del Cerro del Río, en calidade de Secretaria Xeral da Deputación Provincial de Pontevedra, dando fe do acto que se celebra.

As partes recoñécense capacidade legal e xurídica suficiente para formalizar o presente convenio e, para tal efecto,

EXPOÑEN

Segundo o Decreto 146/2024, do 20 de maio, polo que se establece a súa estrutura orgánica, a Consellería de Cultura, Lingua e Xuventude configúrase como o departamento superior da Xunta de Galicia ao que lle corresponden, entre outras, as competencias en materia de promoción e difusión da cultura e a protección e promoción do patrimonio cultural de Galicia, de conformidade co establecido na Lei orgánica 1/1981, do 6 de abril, pola que se aproba o Estatuto de autonomía de Galicia, e na demais normativa que sexa de aplicación.

Por outra banda a Deputación Provincial de Pontevedra, ten competencia en materia de cooperación no fomento do desenvolvemento económico e social segundo o previsto no art. 36.1 d) da Lei 7/1985, do 2 de abril reguladora das Bases do Réxime Local. No marco destas respectivas competencias e para o cumprimento dos seus fins, a Xunta de Galicia e a Deputación Provincial de Pontevedra, adquiriron en réxime de copropiedade nas porcentaxes do 51% e do 49% respectivamente, o emblemático Teatro Cine Fraga, ubicado na mazá situada entre as rúas Isabel II, Uruguay, República Argentina e Avenida de García Barbón de Vigo (Pontevedra), mediante compra á entidade "ABANCA, Corporación Bancaria, S.A.",



Dita operación de compra do inmovible foi autorizada polo Consello da Xunta de Galicia en sesión do 23 de setembro de 2024, e polo Pleno da Deputación de Pontevedra en sesión do 27 de setembro de 2024.

En data 17 de xullo de 2025 outorgouse a escritura de compravenda do inmovible ante o Notario D. Manuel Arturo Vidal Rodriguez na cidade de Vigo, co número 1266 do seu protocolo notarial efectuándose no mesmo acto o pago do prezo da venda á parte vendedora, ABANCA, Corporación Bancaria, S.A.", por parte da Xunta de Galicia e a Deputación de Pontevedra, nas súas correspondentes porcentaxes de copropiedade,

Con esta adquisición preténdese dotar á cidade de Vigo dun espazo cultural pioneiro, de carácter público, no que poder desenvolver unha actividade cultural diversa e plural.

A operación de compra incluíu, tanto o inmovible, como o mobiliario que formaba parte do mesmo. Este mobiliario, polo seu valor histórico e patrimonial e tendo en conta a vinculación identitaria co edificio, debe formar parte das instalacións.

O edificio adquirido parece manterse nun estado de conservación razoable. Con todo, é preciso levar a cabo unhas obras para asegurar a súa integridade física, a funcionalidade e a adaptación á normativa actual. Está previsto que neste proceso de rehabilitación se integren os distintos elementos de mobiliario que estaban no Teatro Fraga.

Con motivo da próxima adxudicación das obras de rehabilitación do citado inmovible, é necesario o traslado dos elementos do mobiliario dende a nave na que se atopan na cidade de A Coruña a unha zona próxima ao edificio, a fin de facilitar posibles accións de restauración, así como de movemento das pezas, acordes ao ritmo e ás esixencias de execución da obra, de modo que aquelas se poidan integrar no inmovible no momento en que sexa preciso.

Neste senso, tanto a localización do inmovible, en pleno centro urbano na localidade de Vigo, como o volume de mobiliario obxecto de traslado, foron determinantes para concluír a necesidade de contar cunha nave industrial adecuada e suficiente na zona de O Porriño ou arredores. Na medida en que nin a Xunta de Galicia nin a Deputación de Pontevedra contan con inmoibles destas características na citada zona xeográfica, foi preciso levar a cabo a adquisición temporal, en réxime de alugueiro, dunha nave para almacenaxe provisional de mobiliario procedente do Teatro-Cine Fraga.

Por todo isto, para acadar unha maior eficacia na execución das actuacións, dados os intereses comúns e coincidentes das partes, é polo que asinan este convenio de colaboración, de acordo coas seguintes,



CLÁUSULAS

Primeira. Obxecto

O presente convenio ten por obxecto sentar as bases de colaboración entre as partes asinantes para o financiamento conxunto do contrato de arrendamento dunha nave para almacenaxe provisional de mobiliario e enseres procedentes do Teatro Cine Fraga formalizado na data do 16 de decembro de 2025 entre a Xunta de Galicia e a entidade Solytor, S.L., co fin de establecer as achegas e compromisos correspondentes a cada unha delas.

Segunda. Duración.

O presente convenio terá unha vixencia de catro anos dende a súa sinatura, sen prexuízo da realización dunha ou sucesivas prórrogas por un período adicional total de ata catro anos, que deberán aprobarse previamente polos órganos competentes de ambas Administracións.

Terceira. Localización e características do alugueiro

A nave alugada para almacenaxe provisional de mobiliario e enseres procedente do Teatro Cine Fraga está situada no lugar da Casilla, Atios 21, O Porriño (Pontevedra).

Trátase dunha nave industrial composta de planta baixa e planta alta, cunha superficie constituída total de 3.472,91 m², dos cales corresponden á planta baixa 1.029,95 e á planta primeira 2.432,96, distribuída en diversas estancias apropiadas ao seu uso.

O local alugado pola Xunta de Galicia está ubicado na planta alta citada de 2.432,96 m², dos cales se alugan 1.536,08 m² e inclúe tamén o terreo exterior "terreo de acceso delimitado por un peche exterior con acceso principal polo lado sur e que chega ata a liña que une a prolongación da cara norte do galpón traseiro ata o peche exterior.

A nave consta inscrita no Rexistro da Propiedade de Tui, ao tomo 1111, libro 218, folio 81, como finca rexistral 35.481, Referencia catastral: 36039A02900320003HA.

O contrato de alugueiro terá unha duración de 5 anos a contar dende a data da sinatura do mesmo, é dicir, desde o 16 de decembro de 2025. O importe do alugueiro é de 5.000,00 € máis o IVE durante as 6 primeiras mensualidades; a partir da sétima mensuralidade a renda pasará a ser de 5.600,00 € máis IVE. O alugueiro aboarase por meses vencidos nos sete primeiro días do mes.

Os importes dos consumos de auga, recollida de lixo e subministración de enerxía eléctrica e calquera outro servizo con que conte o inmovible alugado que se individualice mediante aparatos contadores serán de conta da arrendataria.



A renda só poderá ser actualizada polo arrendador na data en que se cumpra cada ano de vixencia do contrato, aplicando á renda correspondente á anualidade anterior, a variación anual do índice de prezos do alugueiro de oficinas, a nivel autonómico, publicado polo INE, nun período de 12 meses inmediatamente anterior á data de cada actualización, tomando como mes ou, no seu defecto, trimestre de referencia para a primeira actualización o que corresponda ao último índice que estivera publicado na data de celebración do contrato, e nas sucesivas o que corresponda ao último aplicado.

En defecto de publicación do índice recollido no parágrafo anterior, aplicarase o índice de prezos de alugueiro da vivenda do índice de Prezos de Consumo, do INE, a nivel provincial vixente á data de cada revisión, tomando como mes de referencia o que corresponda ao último índice que estivera publicado na data de revisión do contrato.

A renda actualizada será esixible a partir do mes seguinte a aquel na que a parte interesada o notifique á outra parte por escrito, tomando como referencia a efectos de cómputo o día da sinatura do contrato, expresando a porcentaxe de alteración aplicada e xuntando, se o arrendatario o esixise, a oportuna certificación do INE.

Cuarta. Importe total do alugueiro, distribución por anualidades e porcentaxes de cofinanciamento.

Detállase na táboa seguinte o importe do alugueiro para duración máxima do contrato (5 anos), a distribución por anualidades e os importes de cofinanciamento do contrato que corresponderían á Xunta de Galicia e Deputación en base ás súas porcentaxes de cotitularidade no Teatro Fraga de Vigo (51% e 49% respectivamente):

Ano	Nº meses	IMPORTE ALUGUER				FINANCIAMENTO	
		Prezo/mes	Importe anual	IVE	TOTAL	XUNTA (51%)	DEPUTACIÓN (49%)
2025	0,50	5.000,00 €	2.500,00 €	525,00 €	3.025,00 €	1.542,75 €	1.482,25 €
2026	5,50	5.000,00 €	63.900,00 €	13.419,00 €	77.319,00 €	39.432,69 €	37.886,31 €
	6,50	5.600,00 €					
2027	12,00	5.600,00 €	67.200,00 €	14.112,00 €	81.312,00 €	41.469,12 €	39.842,88 €
2028	12,00	5.600,00 €	67.200,00 €	14.112,00 €	81.312,00 €	41.469,12 €	39.842,88 €
2029	12,00	5.600,00 €	67.200,00 €	14.112,00 €	81.312,00 €	41.469,12 €	39.842,88 €
2030	11,50	5.600,00 €	64.400,00 €	13.524,00 €	77.924,00 €	39.741,24 €	38.182,76 €
TOTAIS.....			332.400,00 €	69.804,00 €	402.204,00 €	205.124,04 €	197.079,96 €

Quinta. Obrigas da Consellería de Cultura, Lingua e Xuventude.

Para o cumprimento dos fins deste convenio, a Consellería de Cultura, Lingua e Xuventude comprométese a:

- Tramitar a principios de cada anualidade un documento contable RC(t) para a súa remisión á Dirección Xeral de Simplificación Administrativa e do Patrimonio, da Consellería de Facenda



e Administración Pública, de xeito que esta Dirección xeral poida tramitar unha ampliación de crédito que lle permita asumir o pagamento das facturas do alugueiro durante a duración do contrato de arrendamento. O importe anual do RC(t) será o recollido na seguinte táboa, sen prexuízo dos incrementos que poidan xurdir pola actualización das rendas, segundo o establecido na cláusula terceira deste acordo:

Anualidade	Nº meses	Prezo/mes	Importe	IVE	Total
2025	0,50	5.000,00 €	2.500,00 €	525,00 €	3.025,00 €
2026	5,50	5.000,00 €	63.900,00 €	13.419,00 €	77.319,00 €
	6,50	5.600,00 €			
2027	12,00	5.600,00 €	67.200,00 €	14.112,00 €	81.312,00 €
2028	12,00	5.600,00 €	67.200,00 €	14.112,00 €	81.312,00 €
2029	12,00	5.600,00 €	67.200,00 €	14.112,00 €	81.312,00 €
2030	11,50	5.600,00 €	64.400,00 €	13.524,00 €	77.924,00 €
TOTAIS.....			332.400,00 €	69.804,00 €	402.204,00 €

O financiamento do documento contable RC(t) será con cargo á aplicación orzamentaria 13.03.432B.632.3 do orzamento da Consellería de Cultura, Lingua e Xuventude.

- b) Facer fronte ao pago dos gastos de consumos de auga, recollida de lixo e subministración de enerxía eléctrica e calquera outro servizo con que conte o inmovible alugado que se individualice mediante aparatos contadores. A Consellería cuantificará cada ano a totalidade da estimación dos gastos asumidos polos ditos conceptos e o notificará á Deputación de Pontevedra segundo o establecido na cláusula sétima.2.

Gasto	Importe estimado máximo anual
Subministro enerxía eléctrica	2.000,00 €
Subministro auga	500,00 €
Outros. Lixo, etc.	1.500,00 €

Estes gastos financiaranse con cargo á aplicación orzamentaria 13.03.432B.632.3 do orzamento da Consellería de Cultura, Lingua e Xuventude.

- c) Xustificar as achegas a realizar pola Deputación Provincial.

Sexta. Obrigas da Deputación Provincial de Pontevedra.

A Deputación Provincial de Pontevedra asume as seguintes obrigas:

- a) Transferir á Consellería de Cultura, Lingua e Xuventude o importe correspondente á súa porcentaxe na titularidade do Teatro Fraga de Vigo (49%), para facer fronte aos gastos derivados do alugueiro da nave, con cargo á aplicación 922.3340.202.00 dos seus orzamentos, segundo o recollido na seguinte táboa, sen prexuízo dos incrementos que poidan xurdir pola actualización das rendas, segundo o establecido na cláusula terceira. Ditos incrementos serán asumidos automaticamente sen necesidade de tramitación dunha addenda ó presente convenio para a modificación dos importes:



Anualidade Convenio	Período	Nº meses	Prezo/mes	Importe	IVE	Total	Dep. Pontevedra (49%)
2026 ⁽¹⁾	de 16/12/25 a 15/06/26	6,00	5.000,00 €	30.000,00 €	6.300,00 €	36.300,00 €	17.787,00 €
2026	de 16/06/26 a 31/12/26	6,50	5.600,00 €	36.400,00 €	7.644,00 €	44.044,00 €	21.581,56 €
2027	de 01/01/27 a 31/12/27	12,00	5.600,00 €	67.200,00 €	14.112,00 €	81.312,00 €	39.842,88 €
2028	de 01/01/28 a 31/12/28	12,00	5.600,00 €	67.200,00 €	14.112,00 €	81.312,00 €	39.842,88 €
2029	de 01/01/29 a 31/12/29	12,00	5.600,00 €	67.200,00 €	14.112,00 €	81.312,00 €	39.842,88 €
2030	de 01/01/30 a 15/06/30	5,50	5.600,00 €	30.800,00 €	6.468,00 €	37.268,00 €	18.261,32 €
2030 ⁽²⁾	de 16/06/30 a 15/12/30	6,00	5.600,00 €	33.600,00 €	7.056,00 €	40.656,00 €	19.921,44 €
TOTAIS.....				332.400,00 €	69.804,00 €	402.204,00 €	197.079,96 €

⁽¹⁾ Gasto aplicado con carácter retroactivo realizado con anterioridade, desde a data de formalización do contrato de arrendamento (15/12/2025) ata a data de sinatura do convenio.

⁽²⁾ Este gasto estímase para o período temporal que supera a vixencia do convenio (4 anos desde a súa sinatura). Dito gasto quedará condicionado á aprobación da primeira prórroga do convenio.

A contía correspondente a cada unha das anualidades será ingresada pola Deputación de Pontevedra no prazo de 30 días dende a data de achega da documentación correspondente, quedando garantida a correlación entre os gastos devindicados en cada exercicio orzamentario e os ingresos procedentes da Deputación.

- b) Transferir á Consellería de Cultura, Lingua e Xuventude o importe correspondente á súa porcentaxe na titularidade do inmovible, para facer fronte aos gastos derivados de subministros de auga, recollida de lixo e subministración de enerxía eléctrica e calquera outro servizo indicado no cadro da cláusula terceira letra b) deste convenio con que conte o inmovible alugado que se individualice mediante aparatos contadores, con cargo ás seguintes aplicacións do seu orzamento de gastos:

Gasto	Aplicación orzamentaria
Subministro enerxía eléctrica	922.3340.221.00
Subministro auga	922.3340.221.01
Outros subministros	922.3340.221.99
Gastos diversos	922.3340.226.99

No prazo de 30 días, dende a data de achega da documentación xustificativa correspondente pola Consellería de Cultura, Lingua e Xuventude, a Deputación realizará o ingreso.

Os ingresos correspondentes ao alugueiro así como aos gastos derivados de consumos faranse na conta xeral da Xunta de Galicia c/c ES82 2080 0300 8731 1006 3172, indicando o concepto e referencia ao convenio.



Sétima. Réxime de xustificación e pagamentos.

1. Alugueiro da nave.

a) A Deputación Provincial de Pontevedra aboará á Consellería de Cultura, Lingua e Xuventude a súa porcentaxe de participación no custo anual estimado do alugueiro mediante pagamento anticipado ao inicio de cada anualidade, previa remisión por parte da Consellería do seguinte documento:

- Informe ou certificado expedido polo órgano competente da Xunta de Galicia no que se detalle o importe anual estimado do alugueiro correspondente ao exercicio, tendo en conta, se é o caso, as actualizacións de renda previstas no contrato.
- Para o pagamento das anualidades 2027 e seguintes, xunto co informe ou certificado anterior, deberá remitirse ademais o seguinte documento:

- Certificado acreditativo do importe total das obrigas recoñecidas e pagadas en concepto de alugueiro correspondente ao exercicio anterior, con desglose por meses.

Se do certificado correspondente ao exercicio anterior resultase unha diferenza, por exceso ou por defecto, respecto do importe anticipado pola Deputación, procederase á regularización que corresponda, ben mediante minoración do pagamento da anualidade seguinte, ben mediante aboamento complementario.

b) A Deputación efectuará o pagamento no prazo máximo dun mes desde a recepción da documentación xustificativa indicada.

2. Gastos de consumos (electricidade, auga, lixo e outros servizos individualizados):

a) Antes do 31 de xullo de cada ano, a Consellería remitirá á Deputación informe ou certificado expedido polo órgano competente da Xunta de Galicia no que se detalle o importe do custo anual estimado do exercicio en curso polos conceptos de subministración de electricidade, auga, recollida de lixo e demais servizos individualizados, quedando garantida a correlación entre os gastos devindicados en cada exercicio orzamentario e os ingresos procedentes da Deputación.

Para a realización dos pagamentos a Consellería remitirá, xunto co informe ou certificado de custo anual estimado indicado anteriormente, un certificado acreditativo do importe total das obrigas recoñecidas e pagadas por ditos conceptos correspondentes á anualidade inmediatamente anterior.



Na certificación do ano seguinte regularizárase por exceso ou defecto o importe estimado do exercicio anterior.

Na derradeira anualidade (2030), o certificado de obrigas recoñecidas e pagadas no exercicio anterior (2029), e o certificado de custo anual estimado de dita anualidade serán remitidos á Deputación nos primeiros tres meses do ano, antes do 31 de marzo de 2030.

O certificado final de obrigas recoñecidas e pagadas correspondente a 2030 (do 1 de xaneiro 2030 ao 15 de xuño 2030) deberá remitirse á Deputación antes do 15 de outubro de 2030.

- b) A Deputación procederá ao ingreso da súa porcentaxe no prazo máximo dun mes desde a recepción da documentación xustificativa.

3. Facultades de comprobación.

En ambos os casos, as facturas e xustificantes de pagamento permanecerán á disposición da Deputación Provincial de Pontevedra, podendo requirirse a súa remisión para efectos de comprobación pola Intervención provincial ou polos órganos de control competentes.

Oitava. Comisión de seguimento.

Establecerase unha comisión de seguimento, control e supervisión, co obxecto de realizar o seguimento das actuacións previstas neste convenio. Esta comisión reunirase cando así o estime oportuno calquera das partes e estará constituída por:

- Presidencia: Conselleiro de Cultura, Lingua e Xuventude ou a persoa en quen delegue.
- Vogais: unha persoa representante da Deputación Provincial de Pontevedra e unha persoa representante da Consellería de Cultura, Lingua e Xuventude.

Novena. Publicidade e rexistro do convenio.

As partes asinantes deberán cumprir coas obrigas derivadas da entrada en vigor da Lei 1/2016, do 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Deputación acepta e consente a remisión do convenio, logo da súa sinatura, ao Rexistro de Convenios da Xunta de Galicia.



Décima. Causas de resolución e efectos.

Son causas de resolución do presente convenio as sinaladas no artigo 51 da Lei 40/2015, do 1 de outubro, de réxime xurídico do sector público e, ademais, poderá resolverse por denuncia unilateral de calquera das partes con seis meses de antelación, e en todo caso cos efectos establecidos no artigo 52 da antedita lei, cando concorra algunha das seguintes causas:

- a) Imposibilidade sobrevida para o seu cumprimento.
- b) Causas excepcionais que obriguen a modificar substancialmente o seu obxecto.
- c) Imposibilidade material de execución por circunstancias excepcionais que impidan o cumprimento dos compromisos adquiridos co mesmo.
- d) Mutuo acordo das partes.

De acordo co establecido no artigo 52 da Lei 40/2015, do 1 de outubro, de réxime xurídico do sector público o cumprimento e resolución do convenio dará lugar á liquidación do mesmo co obxecto de determinar as obrigas e compromisos das partes.

Décimo primeira. Modificación do convenio.

Toda alteración a realizar referente ao contido deste convenio será proposta pola Comisión de seguimento e deberá ser formalizada na correspondente addenda que precisará acordo de todas as partes asinantes, agás o establecido na cláusula oitava.

O incremento de importe derivado dos incrementos que poidan xurdir con motivo da actualización das rendas, segundo o establecido na cláusula segunda deste acordo, non requirirá addenda a este convenio; ditos incrementos corresponderán a ambas partes en proporción á súa porcentaxe na propiedade, e resolverase mediante acordo da comisión de seguimento.

Décimo segunda. Protección de datos de carácter persoal e garantía dos dereitos dixitais.

As partes asinantes comprométense a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento UE 679/2016 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.



Serán de aplicación todos os dereitos e obrigas derivados da normativa aplicable en materia de protección de datos e garantía dos dereitos dixitalis.

Décimo terceira. Administración dixital.

As partes asinantes deste convenio respectarán cantas esixencias establece a Lei 4/2019, do 17 de xullo, de administración dixital de Galicia (DOG 26 de xullo de 2019), que será aplicable ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral do sector público autonómico de Galicia, pola Administración xeral e polas entidades instrumentais e, tamén, será aplicable á cidadanía que ten o deber de utilizar os servizos públicos dixitalis que se poñan a súa disposición de xeito adecuado, co respecto das normas de uso, xerais ou específicas, que se establezan para cada un dos servizos e, en particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal (artigos 2 a) e b) e 7 apartados 1 e 2 respectivamente da citada lei).

Décimo cuarta. Notificación electrónica.

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notific@, <https://notifica.xunta.gal>. Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

Décimo quinta. Natureza xurídica e resolución de conflitos.

Este convenio ten natureza administrativa e rexerase polo establecido nestas cláusulas, polo disposto no Capítulo VI do Título Preliminar da Lei 40/2015, do 1 de outubro, de réxime xurídico do sector público e na Lei 39/2015, do 1 de outubro, do procedemento administrativo común.



De acordo co artigo 6.1 da Lei 9/2017, do 8 de novembro, de contratos do sector público, este convenio está excluído do ámbito de aplicación da dita normativa.

As partes comprométense a resolver de común acordo calquera controversia que puidese suscitarse sobre a interpretación ou execución deste convenio, someténdoo á comisión de seguimento prevista no mesmo. En caso de persistir o desacordo, someterase á xurisdición contencioso-administrativa, conforme ao disposto na Lei 29/1998, do 13 de xullo, reguladora da devandita xurisdición.

E en proba de conformidade, as partes asinan dixitalmente este convenio.

O conselleiro de Cultura, Lingua e
Xuventude

José Carlos López Campos

O presidente da Deputación Provincial de
Pontevedra

Luís López Diéguez

